



VISITA EDUCATIVA AO COMPLEXO MEDIOAMBIENTAL DE CERCEDA



TERRANOVA
Interpretación y Gestión Ambiental, S.L.
Tfno: 981 173691 Fax: 981 177527
terranova@terranova-sl.es www.terranova-sl.es

ÍNDICE

1. Obxectivos.
2. Destinatarios/as.
3. Metodoloxía.
4. Duración e desenvolvemento da visita educativa.
5. Percorrido realizado pola instalación.



1. Obxectivos

- Contribuír a un mellor coñecemento de SOGAMA por parte da cidadanía, a súa filosofía de traballo, actividade, obxectivos, etc.
- Fomentar o coñecemento e comprensión por parte dos cidadáns e das cidadás do traballo desenvolvido por SOGAMA nas diferentes áreas: xestión ambiental, enerxías renovables, innovación tecnolóxica e desenvolvemento sustentable.
- Orientar en actitudes persoais na procura dunha mellora dos comportamentos ante os residuos e, por extensión, fomentar a cultura da sustentabilidade, concienciando sobre a importancia da redución de residuos.
- Motivar a poboación para que participe activamente no Plan de Tratamento de Residuos desde a recollida selectiva e a separación en orixe.

2. Destinatarios/as

As visitas educativas están deseñadas de tal forma que resulten atractivas para o público en xeral. Recoméndase esta visita a aqueles colectivos interesados en obter unha visión xeral sobre a Sociedade Galega do Medio Ambiente e a xestión dos residuos en Galicia. En definitiva, esta actividade vai dirixida a colectivos como:

- Alumnos/as de Educación Primaria (maiores de 9 anos).
- Alumnos/as de Educación Secundaria.



3. Metodoloxía

A metodoloxía empregada nas visitas está baseada nunha educación activa e participativa, na que os/as visitantes sexan elementos activos e colaboren nas explicacións non só coas súas preguntas, senón tamén coas súas opinións, comentarios, etc., de tal forma que exista unha retroalimentación constante entre o educador/a e os/as visitantes, pretendendo así que a visita resulte moito máis amena e interesante.

Os contidos, as explicacións e incluso a dinámica a seguir cambiarán segundo a idade e características do grupo de visitantes, co fin de conseguir o máximo grao de adaptación ao grupo.

A secuencia de actividades e a duración da visita deseñáronse de tal forma que se adapte o máximo posible á consecución dos obxectivos previamente marcados e, ademais, siga as liñas básicas do proceso educativo:

- a) Detectar os coñecementos e ideas previas dos/das visitantes para adaptar os contidos.
- b) Introducción aos conceptos básicos a tratar durante a visita.
- c) Desenvolvemento da actividade principal.
- d) Conclusión e reforzo das ideas clave.



4. Duración e desenvolvemento da visita educativa.

O esquema xeral da visita educativa seguirá sempre as mesmas pautas, co obxectivo de manter a calidade educativa e o cumprimento estrito das normas de seguridade que rexen na instalación.

A visita terá unha duración aproximada de 1 hora e 30 minutos, e a secuencia que se seguirá durante a actividade será esta:

1.Recepción dos/das visitantes no aparcadoiro do Complexo Medioambiental de Cerceda.5 minutos. Os educadores/as recibirán as persoas visitantes no aparcadoiro e acompañaranas ao interior do edificio de oficinas.

2.Presentación inicial e breve audiovisual introdutorio. 20 minutos. Breve audiovisual comentado sobre a Sociedade Galega do Medio Ambiente en xeral e a xestión dos residuos en particular.

3.Visualización da instalación sobre unha maqueta. 10 minutos. Breve descrición das instalacións, procesos e funcionamento destas. Entrega dun plano das instalacións e recordatorio das normas de seguridade do recinto.

4.Visita guiada en autobús. 45 minutos. Visita guiada en autobús polas instalacións do CMC realizando paradas para visitar a pé as seguintes naves:

- Planta de clasificación de envases lixeiros.
- Nave de recepción de RU.


5.Coloquio final, entrega de enquisas de avaliación e material educativo. 15 minutos. Conclusión final e resolución das últimas dúbidas, entrega dos cuestionarios de avaliación a cubrir polos visitantes e entrega de material educativo e obsequios.

6.Despedida del grupo.



5. Percorrido pola instalación

Complexo Medioambiental de Cerceda



- 1 Planta de clasificación de envases lixeiros
- 2 Planta de elaboración de CDR
- 3 Planta de coxeneración
- 4 Almacén de CDR
- 5 Planta Termoeléctrica
- 6 Subestación Eléctrica